

## МЕСЯЦА ДЕКАБРЯ В 17-Й ДЕНЬ

Святаго пророка Даниила.  
И святых трех отроков Анании, Азарии и  
Мисайла

На Господи, воззвах: стихиры пророка, глас 4.

Подобен: Яко добля:

**Д**аниил чудный, / сердце стяжав чисто  
Духа жилище / и от Него просвещаемый, /  
будущих явление прорицает явственно: /  
пророчества светлостью удобряемый / и  
ясно скажуй державных / пребеззаконных царей  
сокровенная соня.

Предукрепив тело твоё постом неослабным, /  
львов уста заткнул еси: / посреде бо их стоя,  
пророче чудный, / и к Богу Благому взирая, /  
пребыл еси не уязвен / несказанною силою вся  
действующаго преславно, / Избавителя душ  
наших.

На Престоле сидящаго / и Ангелы обстоимаго, /  
непостижнаго видел еси Судию, суща Праведна-  
го, / пророче чудный. / Удивль же ся ужасному и  
страшному видению, / назнаменал еси сущим по-  
том всем, / написав Второе пришествие / воплощ-  
шагося Бога нашего.

**Ины стихіры святых отроков, глас тойже.**

Подобен: Дал еси знамение:

**Законов держащися Богоданных, всеблаженнии, / мерзостными не осквернитесь пищаами, / но, нетленну душевную доброту сохраняще, / соблюдоште плоти неврежденный / и неувядаемый цвет чудный / и красную лепоту / Владыце, прославляюще Свою угодники.**

**Божественным распалаеми юноши пламенем / огонь преобидеша, / в немже орошаеми, честнии, / лик пресветел вообразивше, / песнь многопетую, видешася, поюще: / ибо непремное Даниил / Царстве Христова виде, радовашеся, / яко пророк всеизряднейший.**

**Словеси премудрости твоея / удивльшися мучители, / Данииле досточудне, / и отроков разуму, / Халдейскою страну начальствовати / и владети вас поставиша, честнии: / добродетели бо весть явственнейше чудитися и супостат, / и жития светлости, / страсти бо удержавше, властели бысте.**

**Слава, глас 2. Анатолиево:**

**Духовно нас, вернии, / собра днес пророк Даниил / и трапезу предложит добродетелей обильно / богатым и нищим, / и странним, и домашним, / и чашу умну, проливающе воду благочестия, / и веселящу сердца верных, / и Духа Святаго благодать подающе. / Сей бо пророк — светлейший светильник, / просиявый в мире, / служения вся Ассирийская низложит / и зверей неукротимых уста заградит. / С сим и трие отроцы да восхвалятся, / не злати естеством суще, / и злата искуснии показавшися: / не слият бо их огонь пещный, но сохранит целы, / ихже нефта, и смола, и рождие венчаша. / Приведый же нас на обхождение лета Господь / да сподобит ны достигнути / и в Господский и честный день Рождества Христова, / подающего нам тех молитвами / очищение грехов и велию милость.**

**И ныне, предпразднства, глас тойже.**

**Андрея Пирскаго: Приидите вси, Христова Рождество предпразднуем верно, / и мысленно пение, яко звезду, предлагающе волхвов славословия, / с**

па́стырми возопи́м: / при́де изба́вле́ние челове́ков из де́вственны́х ложесн, / ве́рныя призыва́ющее.

На стихóвне Октóиха.

Сла́ва, и ны́не, глас 6:

Дани́ил, муж желáний, / ка́мень, без руки́ отсече́н, / ви́дев Тя, Го́споди, Младенца́, без семене́ рождéна, / прона́рече́ Тя, из Дéвы воплоще́нна Сло́ва, / непремéннаго Бо́га и Спа́са душ на́ших.

Тропа́рь, глас 2:

**В**éлия véры испра́вления: / во исто́чнице пла́мене, / яко на водé упокоéния, / святи́и триé о́троцы ра́довахуся, / и проро́к Дани́ил, львом па́стырь, / яко овца́м, явля́шеся. / Тех моли́твами, Христе́ Бо́же, спаси́ ду́ши на́ша.

НА УТРЕНИ

Еди́н канóн Октóиха и святи́х два. Канóн проро́ка, глас 8, егóже краегранéсие: Мúдраго Дани́ила пéсньми увенча́ю. Творéние Феофа́ново.

Песнь 1

*Ирмо́с: Песнь возслéм, лю́дие, / чу́дному Бо́гу на́шему, / свободи́вшему Изра́иля от рабóты, / песнь побéдную пою́ще и вопию́ще: / поим Тебе́, Еди́ному Влады́це.*

Спа́се Благоде́телю, всех благíх Винóвный, / светоно́сным Твои́м сия́нием ум мой просвети́, Человеколю́бче, / яко да Твоегó проро́ка восхваля́ю сла́вную па́мять.

Утро́ яко, возсия́л еси́, мúдре, целомúдриа, / целомúдренную предбéдствовавшую спасл еси́ Сосáнну: / Бог бо тя воздви́же, Ве́детель та́йных, / ста́рцы лю́тыя осудíти.

Стра́хом укрепля́еми Бо́жиим, Авраáмовы вну́цы / пи́щу пребеззакóнную отрину́ша до́блественне / и, Божéственным пита́ющеся желáнием благочéстия, / к велича́йшей взяшася сла́ве.

Богорóдичен: Го́ру ви́дел еси́ мы́сленную, Дани́иле святи́ейше, / еди́ну Пречи́стую Присноде́ву Отрокови́цу, / из Нея́же отсече́ся Ка́мень краеуго́льный и лeсть сокруши́ всю.

Ин канон святых трех отроков, егже краегранесие: Три отроки пою и Даниила великаго. Творение Феофаново. Глас тойже.

Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

Безначальное Слово, из Отца прежде всех веков рождено Боголепно, / еже в пещи юношам образно виденное, прославим.

Глаголы мучителя злочестиваго благороднии отроцы оплевавше терпеливно, / снѣдми пребеззаконных осквернитися халдейски не восхотѣша.

Питаестеся убо словом душевне, / снѣдми же саморасленными плотски, / паче питающихся дебелыми снѣдми, / царю краснейшии виды покажестеся.

Богородичен: Яд змиин, в слухи горько излившийся Евы, / яже из Давида возрастшая, Отроковице, / исцеляеши, Избавителя порождши.

### Песнь 3

Ирмос: Ты еси утверждение / притекающих к Тебе, Господи, / Ты еси Свет омраченных, / и поет Тя дух мой.

Разум и мудрость от Бога прием, / сказал еси светоявленно сеновная царем сония.

Змия умертвил еси, / пищу вверх, славне, чувственнаго, / первее бо невидимыя победил еси демоны.

Богородичен: Зарю просвещаемь, / явленную зриши, славне, гору Божию благословенную, челоуков украшение.

### Ин. Ирмос тойже

Разум стяжавше Богонаученный, Владыко, отроцы Давидовы / законы отеческия Богомудренно соблюдоша.

Огнь не опали чистейшая телеса благочестивых, / постом бо душепитательным напаяхуся.

Хвалу всемирную и многопетую поют отроцы трие, / посреде пещи чудно орошаеми.

Богородичен: Да Рождество, Владыко, из девствующаго телесе покажеш нам, / спасаеши в пещи девствующая телеса.

**Кондак пророку, глас 3.**

Подобен: Дева днесь:

**П**росветившееся Духом чистое твоё сердце/  
пророчества бысть светлейшаго приятель-  
лице:/ зриши бо, яко настоящая, далече су-  
щая./ Львы укротил еси, ввержен в ров;/ сего  
ради ты почитаем, пророче блаженне, Данииле  
славне.

**Икос:**

Иисуса Христа, Истинного Бога нашего, / Егоже  
Божественное ясно пришествие провозгласил  
еси, моли непрестанно / с веселием Божественную  
сию творящим память твою / и верою чтущим тя /  
искушений всяких спастися, и грехов, и  
обстояний / яко дерзновение, Богомудре, имея. / И  
во отвержение моим подаждь устам твоим  
незаборно слово. / И никакоже мене гнушайся,  
пророче блаженне Данииле славне.

**Седален, глас 8.**

Подобен: Премудрости:

Троицы образ пророчески из невестственных  
шаров / в пламени отроцы написаша тростию  
веры, / и Слова крайнее на землю низшествие  
таинственно видеша, / и всем проповедаша. / Тем-  
же и, росу с Небес приемше духовную, / источают  
верным дарования и согласно вопиющим Тебе: /  
даруй, Христе Боже, прегрешений оставление,  
яко благоутробен, / празднующим любовью свя-  
тую память вашу.

**Слава, ин седален, подобен тойже:**

Пророчества благодатию обогатився, / Девы  
Рождество сенопишеша / и решиши сония царем  
явственне; / ввержен же быв в ров, / яко мученик  
научил еси преславно, блаженне, постытиса  
львы. / Тем разорил еси безбожных служение, /  
змия убил еси, добльствовав светлейше, Данииле  
досточудне. / Моли Христа Бога грехов оставле-  
ние даровати / празднующим любовью святую  
память твою.

**И ныне, Богородичен:**

Рáдуйся, престóле огнезрáчный Бóжий; / рáдуйся, Отрокови́це, седалище Цáрское, / óдре преиспещренноустлáнный, златопорфíрный чертóже, / хламíдо червленосветлая, украшенный хра́ме, / молниенóсное ору́жие, светíльниче многосветлый, / рáдуйся, Богороди́це, дванадесятостéнный гра́де, / и двéре златоковáнная, и чертóже светлообразный, / светлопозлащённая трапéзо, Богоукрашённая ски́ние; / рáдуйся, сла́вная Невéсто, Сóлнце ка́плющая; / рáдуйся, еди́на души́ моея́ благоле́ние.

**Крестобогородичен:**

А́гница, и Па́стыря, и Избáвителя А́гница зря́щи на Крестé, / восклицáше, пла́чущи, и, го́рько рыда́ющи, вопия́ше: / мир у́бо рáдуется, приéмля Тобóю избавлéние, / утрóба же Мо́я горíт, зря́щи Твоé распя́тие, / éже терпи́ши за милосéрдие мило́сти. / Долготерпели́ве Го́споди, мило́сти бездно и исто́чнице неисчерпа́емый, / умилосéрдися и да́руй согрешéний оставлéние / véрою пою́щим Божéственныя стра́сти Тво́я.

**Песнь 4**

**Ирмо́с:** Из горы́ приосенéнная, Сло́ве, проро́к, / еди́ныя Богороди́цы, / хотя́ща воплотíтися боговídно усмотри́ / и со стра́хом славосло́вляше си́лу Тво́ю.

Закóн благочéстно сохрани́в, о проро́че! / вои́стинну му́дрости позна́л еси́ Да́теля, / та́йным же науча́юща и глубóким / и я́же во тьме ты просвещáюща.

Священну́ жизнь пожíв, Богоявлéнне, / желáний муж наре́клся еси́, / му́жественно бо стра́сти попра́в, / к нестарéющейся престáвился еси́ жи́зни.

Всёльшаяся в тебе́ Утёшителя́ благодáть, Дани́ле, / показу́ет ты светонóсна, / и победíтеля мучíтелей и царéй, и премудрости жили́ще.

Богородичен: Ка́мень Тя, без руки́ отсéчен, Сло́ве, / от горы́ зрит, Дéвы Богороди́цы, Дани́ил проро́к, / взывáя и воспева́я Твоé Божество́.

**Ин**

**Ирмос:** *Услышах, Господи, смотрения Твоего тайнство, / разумех дела Твоя / и прославих Твое Божество.*

Даниил мудрейший, Божественне умом просвещаеми, / сония разреши самодержцев Божественною благодатию.

Облистает чудесы еже в пещи отроков страдание, / мучителя бо уловиша к познанию Твоему, Всесильне.

Согласия органы и мусикии песни всесличныя / доблественных не привлекоша / и златому образу не поклониша.

Богородичен: Песньми, Всепетая, иже в Вавилоне дети / почитают Сына Твоего Пребожественнаго, / Егоже в пещи познаша.

**Песнь 5**

**Ирмос:** *От нощи неведения / Боговедением просветивый концы, / просвети мя утром человеколюбия Твоего, Господи.*

Страдальческия подвиги пророчества уяснив проповеданием, / сияеши обоеми, Божественнаго вдохновения исполнен.

Премудр показался еси, блаженне, / паче ума премудрости сияньми, величайший Богоглаголив Данииле, / и вся просветил еси.

Богородичен: Тайновождествует образы неизглаголаннаго воплощения, Чистая, / иже из Тебе Высочайшаго Даниил пророк славный.

**Ин**

**Ирмос:** *Вскую мя отринул еси / от лица Твоего, Свете Незаходимый, / и покрыла мя есть чуждая тьма окайннаго, / но обрати мя и к свету заповедей Твоих / пути моя направи, молюся.*

Научившися закону, Спасе, / не отвергоса Твоя угодницы, Даниил великий с тремя юношами Богоразумными, / но, крепость приемше от Тебе, Благодетеля, / мучителей мужески победиша.

Мысленно научашеся Даниил, Человеколюбче, Твоим тайнам: / на облаце бо яко Сына Тя

человѣча грядúща, / язýков всех ꙗко Судию и Царя зряше умá чистотою.

Украси́ся, о дѣти, пáче кáмене сапфíра / вáше совокуплѣние, ꙗко заря́ златáя; / благочѣстия ревностю распáльшеся, / ходя́ще радостно в пещи́ и плещу́ще лик всеми́рный.

Богорóдичен: Дани́ил Тя, Дѣво, гóру прописá ꙗве Божѣственный, / три́е же óтроцы, видевше пла́мень орошáющь, / Твое́ Божѣственное Рождество́ пѣсенно восхваля́ют / ꙗко Спа́са, и Зиждíтеля, и Гóспода.

### Песнь 6

Ирмо́с: *Якоже проро́ка избáвил еси́ / из глубины́ преиспóдняя, Христé Бóже, / и менé от грехóв мои́х избáви, ꙗко Человеколю́бец, / и упрáви живóт мой, молю́ся.*

А́нгельския ты ли́ки во свѣте светлѣйшем зря, / подража́тель всеизря́днейший сих был еси́, / Всецаря́ наслажда́ся сия́ньми.

Спаси́тельное Сло́ва прише́ствие возвещáя, / предвозвещи́л еси́ и хра́ма разорѣние, за́кона же исполнѣние / и благода́ти пáче умá даровáния.

Богорóдичен: Се Дѣва во утрóбе ꙗве зачина́ет Христá Бóга, осия́вшись Дúхом, / Ея́же прообра́женiе провидя́ше Дани́ил сла́вный.

### Ин

Ирмо́с: *Бѣздна грехóв и прегрешѣний бúря мя смущáет / и во глубину́ нúжнаго рѣет мя отчáяния, / но Твою́ крѣпкую рúку мне простри́, ꙗко Петро́ви, / о Упрáвителю! и спаси́.*

Облада́вше естѣственными страстьми́ си́лою Сло́ва, / странé язýк халдѣйских вла́стели бы́сте: / вестъ бо добродѣтель честь даровáти стяжавшим ю, / о Дави́довы мúдрии вну́цы!

В мѣртвость Дани́ил живонóсную одѣявся дрѣвле, / ꙗко бóга халдеем злочестíвно мнiмаго убивáет снѣдию змiя злѣйшаго, / священники́ же злочестíвыя мúдре убил есть.

Богорóдичен: Мiлостива ми Судию́ и Сýна Твоего́, Богорóдице Дѣво, / Твоими́ моли́твами

быти в день Судá, Избáвителя же лю́тых, Мáти,  
умоли́,/ на Тя бо еди́ну наде́жду мою́ возлага́ю.

#### Конда́к, глас 6:

**Р**укопи́саннаго о́браза не почётше,/ но неопи́-  
саннымъ су́ществомъ защити́вшеся, треблаже́н-  
нии,/ в по́двизе огня́ просла́вистеся;/ среде́ же  
пла́мене нестерпи́мага стоя́ще, Бо́га призва́сте:/  
ускори́, о Ще́дрый!/ и потщи́ся, я́ко ми́лостив, в  
по́мощь на́шу,/ я́ко мо́жеши хотя́й.

#### И́кос:

Простри́ Твою́ ру́ку,/ ёю́же дрéвле при́ша  
искуше́ние египтяне борю́щие и евре́и боримии,/  
не оста́ви нас, да не пожре́т нас смерть, жа́ждущая  
нас,/ и сатана́, ненави́дяй нас,/ но прибли́жися  
нам и пощади́ ду́ши на́ша,/ я́коже пощади́л еси́  
иногда́ о́троки Тво́я, су́щия в Вавило́не,/ непре-  
ста́нно сла́влящия Тя, и вве́рженныя Тебе́ ра́ди в  
пещь,/ и от се́я вопию́щия Ти:/ ускори́, Ще́дрый, и  
потщи́ся, я́ко ми́лостив, на по́мощь на́шу,/ я́ко  
мо́жеши хотя́й.

#### Песнь 7

**Ирмо́с:** О́троцы евре́йстии в пещи́/ попра́ша  
пла́мень дерзнове́нно / и на ро́су огонь преложи́ша,  
вопию́ще:/ благослове́н еси́, Го́споди Бо́же, во  
ве́ки.

Зако́ном, проро́че, огражде́н,/ не при́ял еси́  
оскверни́тися пребеззакóнно,/ но, Божéственне  
умомъ просвещáемъ, вопия́л еси́:/ благослове́н еси́,  
Го́споди Бо́же, во ве́ки.

Вся ужаса́ет твоё чу́до,/ я́коже проро́ку бо  
проро́к тебе́ предста́, восхище́н, пи́щу нося́ тебе́ и  
по́я:/ благослове́н еси́, Го́споди Бо́же, во ве́ки.

Вну́три ро́ва затворе́н и львомъ на снедь предло-  
же́н,/ спа́слся еси́, Бо́гу, покрыв́шу тя, блаже́нне,  
благослове́н еси́, зову́ща, Бо́же оте́ц на́ших.

**Богоро́дичен:** Струю́ незави́стно источáеши  
врачевáний, о Де́во Богома́ти!/ Дани́ил бо я́сно  
узрэ́ Тя го́ру,/ из нея́же Спас возсия́, Бог оте́ц  
на́ших.

## Ин

**Ирмос:** *Отроцы Богочестивии в Вавилоне / образу златому не поклоняшася, / но посреде пещи огненныя, орошаеми, / песнь воспеваху, глаголюще: / превозносимый отец и нас Боже, благословен еси.*

Глас Боголюбезен песнопояшеся из среды огня Вседержителю: / Азария бо, Божественный лик составив, песнь воспевая, глаголаше: / благословен Бог отец наших.

Цевница юношей Богословяше всех Бога и Вседержителя, / тем в пещи ясно явльшагося, и песнь воспеваху, глаголюще: / благословен Бог отец наших.

Три, в пещь вверженныя, видев царь, / яко узре четвертаго вид, Сына пронарече Божия и всем возопи: / благословен Бог отец наших.

Богородичен: *Имея просвещен Божественною зарею ум, Данииле Богоблаженне, / Девы Рождество яве предвидел еси таинственными образы образуемо, / благословен, вопия, Бог отец наших.*

## Песнь 8

**Ирмос:** *Богоглаголивии отроцы, в пещи / со огнем пламень попирающе, пояху: / благословите, дела Господня, Господа.*

Священноявлен показался еси, о пророче! / и деятельным видением со Безтелесными пел еси: / благословите, вся дела Господня, Господа.

Тя, всеблаженне, благохвалим вси / и, в честное торжество твое радуящеся, взываем: / благословите, вся дела Господня, Господа.

Богородичен: *Пречудную Отроковицу Богоглаголивый / образовательными образы усмотрив, взывал еси: / благословите, вся дела Господня, Господа.*

## Ин

**Ирмос:** *Седмерицею пещь / халдейский мучитель / Богочестивым неистовно разжже, / си-*

люю же лучшею спасены, сия видев,/ Творцу и  
Избавителю вопияше:/ отроцы, благословите,  
священницы, воспойте,/ людие, превозносите во  
вся веки.

Авраамово благородие сохранити тщасяся,  
свойственное к нему стяжасте основание веры и  
надежды, преподобнии,/ терпение и напастем  
поздание, вопиюще:/ благословите, священницы,  
Владыку,/ людие, превозносите Его во веки.

Яко светила просиявше, и землю онебесивше,/ и  
благочестия просвещением осиявшеся,/ всемирное  
составльше ликостояние, поют иже от напастей  
спасшему Владыце:/ отроцы, благословите,  
священницы, воспойте,/ людие, превозносите во  
вся веки.

Юношески погасивше распалимую пещь/ и  
львов челюсти связавше, Давидовы внуцы,/ ныне  
радуящися, поют Тя, Благодетеля, Царя всех:/  
отроцы, благословите, священницы, воспойте,  
людие, превозносите во вся веки.

Богородичен: Тайнонаучает, Пречистая, Дани-  
ил мудрейший,/ и предживописуют отроцы трие  
Рождество Твое Богомудреннии,/ чрез образы  
зряще из утробы Твоея прошедшаго несказанно,  
Егоже отроцы благословят, священницы воспева-  
ют,/ людие превозносят во вся веки.

## Песнь 9

Ирмос: Воистинну Богородицу,/ Тя исповеду-  
ем,/ спасеннии Тобою, Дево Чистая,/ с Безплотны-  
ми лики Тя величающе.

Пожал еси твоих болезней приплодия,/ на  
Небесех со пророки ликуя присно,/ окрест высо-  
чайшаго престола Вседержителя.

Светом трисолнечным ныне венценосец желан-  
ный крайнейшему предстоиши,/ с Безтелесными  
лики веселяся.

Богородичен: Красна слава твоя, еяже ныне  
наслаждаешься:/ Всепетую бо Отроковицу, про-  
роче честный,/ образы возвещати всем сподобил-  
ся еси.

### Ин. Ирмос тойже

Достигóсте кончίνу желáнную / и желáний  
крайнейшему предстоитé в Небéсных чертóзах,  
óтроцы всебогáтии.

Рáдующеся, рукоя́тие, е́же от слез, дóбраго  
вáшего дéлания прия́сте, / нетлéния клас плодоно-  
сívше.

Возсия́ свéтлость ныне вам достóйно, и весéлие  
сéрдца процветé: / отону́дуже бо отбежé печáль,  
вселíстеся.

Богорóдичен: Пáжить смéрти устáвила еси́,  
Дéво, / Жизнодáвца рóждши и Гóспода, / животво-  
ря́щаго véрою величáющия Тя.

### Светíлен Окто́иха.

#### Слáва, прорóка:

И́же во прорóцах величáйший Дани́ил ны́не да  
почтíтся, / Христá бо Бóга нáшего вíде, / кáмень  
отсéчен кромé рук от горы́ — / Чíстыя Богорóди-  
цы. / С ним да восхвáлятся и триé óтроцы, / я́же  
спасé от пéщнаго огня́ невреждéны / óбраз Дéвы  
Божéственный и неизречéнный, / ýмже мир  
спасéся.

#### И ны́не:

Тайнонаучáет, Всечíстая, Дúхом Божéственным  
Дани́ил премúдрейший, / и прописúют véрою Авра-  
ámстии триé óтроцы Твое́ безсéменное Рождество́: /  
Сый бо Божество́м неопíсанное Слово́ / из Тебé  
плóтию хотя́ описúется, Богорóдице, / в Вифлеéме  
раждáемь на спасéние челове́ков.

### На стихóвне Окто́иха.


#### Слáва, и ны́не, глас 6. Малáксово:

Мы́сленному Сóлнцу Прáвды / из Девíческаго  
утрóбы возсия́ти хотя́щу, / я́коже свéтлыя звéзды, /  
предосия́ют нам от пéщи óгненные́ равночíслен-  
нии Трóицы óтроцы, / стрáнное тáинства собóю  
предзна́менающе. / С ними́ ýбо и Дани́ил, светлéй-  
ший прорóк, / предозаря́ет концéм свéтом прорече́-  
ния, / Христá проповéдуя нерукосéчный кáмень, /  
от горы́ присéнный, Дéвы, происходя́щаго, / во  
спасéние душ нáших.

## НА ЛИТУРГИИ

Блаженны, от канона пророка песнь 3-я и отроков песнь 6-я. Прокимен, глас 4: Дивен Бог во святых Своих, / Бог Израилев. Стих: В церквах благословите Бога, / Господа от источник Израилевых. Апостол к Евреям, зачало 330. Аллилуия, глас 4: Возваша праведнии, и Господь услыша их. Евангелие от Луки, зачало 62. Причастен: Радуйтесь:

Подобает ведати: аще случится святого пророка Даниила и святых трех отроков в Неделю святых праотцев.

Поется возследование их вкупе с воскресною службою  сиче:

На малой вечерни на Господи, возвах: стихирь воскресны и Богородицы, по обычаю.

На велицей вечерни на Господи, возвах: стихирь воскресны 3, и праотцев 3, и пророка Даниила 2, глас 4. Подобен: Яко добля: И отроков 2, глас тойже. Подобен: Дал еси знамение: Слава, праотцев, глас 6: Иже прежде закона: И ныне, Богородичен первый гласа. Вход. Прокимен дне. На литий стихира храма и пророка Даниила, глас 4: На престоле сидящаго: писан на Господи, возвах: в ряду последний. И отроков, глас тойже: Словеси премудрости Твоея: писан на Господи же, возвах: последний, и глас 2: Духовно нас вернии: Слава, праотцев, глас 1: Лучами облиставшися: И ныне, Богородичен: Се исполнися: На стиховне стихирь воскресны. Слава, праотцев, глас 3: Праотцев собор: И ныне, пророка, глас 6: Даниил, муж желаний: На благословении хлебов тропарь: Богородице Дево: дважды, и праотцев единожды. И Буди Имя Господне: трижды. Псалом 33: Благословлю Господа: и чтение в Посланных апостольских.


А идеже бдения не бывает, на повечерии глаголем по зри Достойне и по Трисвятом кондак святых праотцев.

На утрени, на Бог Господь: тропарь воскресен дважды. Слава, отроков. И ныне, праотцев. По кафизмах седальны воскресны с Богородичны их, и чтение во Евангелии толковом, неделя ряд. По полиелеи тропарь: Ангельский собор: ипакой гласа и седален праотцев. И чтение во Евангелии, Неделя святых праотцев. Степенна и прокимен гласа. Евангелие воскресно, псалом 50. Стихира воскресна и прочее. Канон воскресен со ирмосом на 4, пророка и отроков, оба канона на 6. И поем в коейжедо песни пророка три тропаря, Богородичен оставляется: и отроков первый стихи два за един. Также тропарь един, и Богородичен, и праотцев на 4, и держим стихов 12, кроме Слава, и ныне: всех же на 14. Катавасия: Христос раждается: По 3-й песни кондак, и йкос пророка, и седален его. Слава, отроков. И ныне, ипакой праотцев и чтение. По 6-й песни кондак праотцев, и йкос, и чем пролог. По 9-й песни светилен

воскрёсен и праотцев. Слава, пророка. И ныне: Солнце великое: На хвалитех стихирь воскресны 4, и святых праотцев на 4, с припевы: Благословен еси, Господи: 2-й: Яко праведен еси: Слава, праотцев, глас 7: Приидите вси, верно торжествуем: И ныне: Преблагословенна еси: Славословие великое. По Трисвятом тропарь воскресен, ектении, и отпуст, и обычное исхождение. Слава, и ныне, стихира евангельская, и час 1-й. На 1-м часе тропарь воскресен. Слава, праотцев. И ныне, Богородичен часов. По Трисвятом кондак праотцев, и прочее, и совершенный отпуст. На 3-м часе тропарь воскресен. Слава, пророка. И ныне, Богородичен часов. По Трисвятом кондак праотцев.

На Литургии Блаженны гласа на 4, и праотцев песнь 3-я на 4, и пророка песнь 6-я на 4. По входе тропарь воскресен, таже святых. Слава, кондак пророка. И ныне, праотцев. Прокимен, песнь отцев и святых. Апостол и Евангелие Недели праотцев и святых. Ряд же недели оставляется. Причастен: Хвалите Господа: Другий: Радуйтесь:

**ЗРИ** Сиде поем службу и великаго святаго празднуемаго, аще случится в сию неделю, токмо по полиелеи. И ныне, седален праотцев. На Литургии прокимен праотцев и святаго. И вся служба, якоже прежде явлено есть.



Святой пророк Даниил и три святых отрока Анания, Азария и Мисаил. За 600 лет до Рождества Христова Иерусалим был завоеван

царем вавилонским; храм, воздвигнутый Соломоном, был разрушен, а множество народа израильского отведено в плен. Среди пленников находились знатные юноши Даниил, Анания, Азария и Мисаил. Царь Вавилона Навуходоносор распорядился обучить их халдейской премудрости и воспитать в роскоши при своем дворе. Но они, храня заповеди своей веры, отказывались от излишеств и вели строгий образ жизни; питались они только овощами и водой. Господь даровал им мудрость, а святому Даниилу — дар прозорливости и истолкования снов. Святой пророк Даниил, свято храня веру в Единого Бога и уповая на Его всемогущую помощь, мудростью своей превзошел всех халдейских звездочетов и волхвов и был приближен к царю Навуходонозору. Однажды Навуходоносор увидел странный сон, поразивший его, но, проснувшись, он забыл виденное. Вавилонские мудрецы оказались бессильны узнать, что приснилось царю. Тогда святой пророк Даниил прославил перед всеми силу истинного Бога, открывшего ему не только содержание сна, но и его пророческое значение. После этого Даниил был возведен царем в сан начальника Вавило-

на. Вскоре царь Навуходоносор повелел воздвигнуть свое изображение — огромную статую, которой надлежало воздавать божеские почести. За отказ сделать это три отрока — Анания, Азария и Мисаил — были ввергнуты в пылающую печь. Пламя поднималось над печью на 49 локтей, опалия стоявших рядом халдеев, а святые отроки ходили посреди пламени, вознося молитву Господу и воспевая Его (Дан. 3, 26—90). Ангел Господень, явившись, охладил пламя, и отроки остались невредимы. Царь, увидев это, повелел им выйти и обратился к Богу истинному. При царе Валтасаре святой Даниил истолковал таинственную надпись («мене, текел, упарсин»), появившуюся на стене дворца во время пира, предвещавшую падение Вавилонского царства. При персидском царе Дарии святой Даниил по наветам своих врагов был брошен в ров с голодными львами, но они не тронули его, и он остался невредим. Царь Дарий возрадовался о Данииле и повелел во всем своем царстве поклоняться Богу Даниилову, «потому что Он есть Бог Живый и Присносущный, и царство Его несокрушимо, и владычество Его бесконечно». Святой пророк Даниил глубоко скорбел о своем народе, претерпевавшем справедливую кару за множество грехов и беззаконий, за преступление заповедей Божиих — тяжкий плен вавилон-

ский и разорение Иерусалима: «Приклони, Боже мой, ухо Твое и услыши, открой очи Твои и возри на опустошения наши и на город, на котором наречено Имя Твое; ибо мы повергаем моления наши пред Тобою, уповая не на праведность нашу, но на Твое великое милосердие» (Дан. 9, 18). Святому пророку, праведной жизнью и молитвой искупавшему беззакония своего народа, была открыта судьба народа Израиля и судьбы всего мира.

При истолковании сна царя Навуходоносора пророк Даниил возвестил о сменяющихся друг друга царствах и величии последнего царства — Царства Господа нашего Иисуса Христа (Дан. 2, 44). Пророческое видение о семидесяти седмицах (Дан. 9, 24—27) поведало миру знамения Первого и Второго пришествий Господа Иисуса Христа и связанных с ними событий (Дан. 12, 1—12). Святой Даниил ходатайствовал за свой народ перед преемником Дария — царем Киром, который весьма его ценил, и даровал пленникам свободу. Сам же Даниил и друзья его Анания, Азария и Мисаил дожили до глубокой старости и скончались в плену. Согласно же свидетельству святителя Кирилла Александрийского (память 9 июня), святые Анания, Азария и Мисаил были обезглавлены по повелению персидского царя Камбиза.

